

ԳՈՀԱԲԱՆԱԿԱՆ
ՄԱՂԹԱՆՔ

Վ. Ա. Ս. Ն.
ՀԱՆՐԱՊԵՏՈՒԹԵԱՆ
ԱԶԳԻՍ ՀԱՅՈՑ



ՏՊԱՐԱՆ ՍՐԲՈՑ ՅԱԿՈՅՆԱՆՑ

ԵՐՈՒՍԱԴԷՄ

1947

9-71052-2 19900000

11000

ԳՈՒՄԱՆԱԿԱՆ ՄԱՂԹԱՆՔ

ՎԱՍՆ

ՀԱՆՐԱՊԵՏՈՒԹԵԱՆ ԱԶԳԻՍ ՀԱՅՈՑ

ՍԱՐԿԱՒԱԳ. ԵՆ ԵՆ խաղաղութեան ...

ՀԱՆՐԱՊԵՏ. Օրհնութիւն եւ փառք Հօր Լն.

ՍՐԿ. Եղբարք սիրեցեալք, սուրբ սրտիւ և հաստատուն հաւատով կացցուք միաբան յաղօթս, և փառաւորեսցուք զամենակալն Աստուած, զհայր Տեառն մերոյ Յիսուսի Քրիստոսի, գոհանալով զնմանէ՝ որ այց արար ողորմութեամբ իւրով Ազգիս Հայոց և սրբոյ եկեղեցւոյս Հայաստանեայց, վերստին շնորհելով մեզ զԺառանգութիւն Հայրենեաց մերոց:

Արդ, աղաչեսցուք զնա բոլորով սրտիւ,


Ձի պահպանեսցէ զՀանրապետութիւն Ազգիս մերոյ, և պայծառացուցէ զեկեղեցի իւր Սուրբ, շինեալ ի վերայ հիման օճաքելոց և մարգարէից, պահել անարատ մինչեւ յօր երեւելոյ գալստեան իւրոյ.

Ձի յաւելցէ զիմաստութիւն և զկարողութիւն գլխաւորաց Ազգիս և ամենայն վաստակաւորաց ի շինութիւն Հայրենեաց մերոց.

Ձի տացէ օգնականութիւն ամենայն զօրավարաց մերոց եւ զօրաց եւ զինուորեալ մանկանց:

Ձի ևս առաւել արասցէ և մեզ յորդորումս սիրոյ և ի գործս բարեաց,

Ամենակալ Տէր Աստուած մեր կեցուցէ և ողորմեսցի:



ՀՆԴՍՊ. Տէր ողորմեա, Տէր ողորմեա...

ՇԱՐԱԿԱՆ ԳԶ.

ԴՊ. Ուրախ լեր, սուրբ եկեղեցի, քանգի Քրիստոս արքայն երկնից այսօր պըսակեաց ըզբեզ խաչիւն իւրով. եւ զարդարեաց զամուրքս քո սքանչելի փառօքն իւրով:

Խընդա յոյժ դուսքը սիովնի. քանգի երկիրս երկինք եղեն այսօր վերքսին քո նորոգմամբ, եւ քաղաւոր երկնաւոր հանեցաւ բընակիլ ի քեզ:

Փառք հօր. Այժմ և միշտ:

Ընդ դասս երկնաւոր զօրացըն վեր առեալ տօնեմք քեզ այսօր զանդադար փառասրուքիւնս. ուրախ լեր հարսն անարատ անբընին քո խորհրդով:

ՍԱՂՄՈՍ

ԴՊ. Գոհացայց զքեզ, Տէր, բոլորով արհիւ իմով, պատեցից զամենայն սքանչելիս քո:

Ուրախ եղեց եւ ցնծացայց ի քեզ, սաղմոս ասացից անուան քու, Բարձրեալ:

Արարեք զդասասանս իմ եւ զիրաւունս, նստարյաքո՞ւ դասաւոր արդարութեան:

Դու զժողովուրդս խոնարհս կեցուցանես եւ զաչս ամբարտաւանից դո՛ւ խոնարհեցուցանես:

Յուսացին ի քեզ ամենեքեան ոյժ գիտեն զանուն քո, զի ոչ բողբես զայնոսիկ, որ խնդրեն զքեզ, Տէր:

Որպէս պատեցից զամենայն օրհնութիւնս քո ի դրունս դսեր Սիօնի, ցնծացայց ի փրկութեան քու:

Ընկլան հեթանոսք յապականութեան իւրեանց զոր արարին . որոգայք զոր քագուցին առցե զոսս նոցա :

Աջ քո , Տէր , ընկալաւ զիս , եւ խրատ քո կանգնեաց զիս ի սպառ , եւ խրատ քո ուսուցեց զիս :

Ձգեցուցեր ինձ զօրութիւն ի պատերազմի , եւ ըզյարուցեալսն ի վերայ իմ ներքոյ իմ արարեր .

Կենդանի է Տէր եւ օրհնեալ է Աստուած , եւ բարձր եղիցի Աստուած փրկութեան իմոյ :

Աստուած է որ խնդրեց զվրեժ իմ եւ հնազանդ առնեց զժողովուրդս ընդ ինեւ :

Արդար է Տէր , զարդարութիւն սիրե , զուղղութիւն տեսանեն երեսք նորա :

Փառք Հօր եւ Որդւոյ , այժմ եւ միշտ եւ յաւիտեանս .

Մի ոմն ի Քահանայից ընթեռնու ի բեմէն

Ալէլուիա , Ալէլուիա , Ուրախ եղիցին ազգք
և ցնծասցեն ազինք , զի դու դատես զժողովուրդս
յուզղղութիւն և ազգաց երկրի դու առաջնորդես .

Ընթերցուածս յԱռաջին քագաւորութեանց
(Ը . 4-22)

Եւ ժողովեցան ամենայն արք Իսրայէլի եւ եկին առ Սամուէլ յԱրիմաթեմ , եւ ասեն ցնա .
Դո՛ւ աւադիկ ծերացար , եւ որդիք քո ո՛չ գնան
զճանապարհ քո . եւ արդ կացո՛ ի վերայ մեր
թագաւոր , դատել զմեզ որպէս և այլ ազգք : Եւ
չարթուեցաւ բանն յաչս Սամուէլի , զի ասացին թէ

տուր մեզ թագաւոր դառել զմեզ : եւ յաղօթս
 եկաց Սամուէլ առ Տէր : եւ ասէ Տէր ցՍա-
 մուէլ . Լո՛ւր ձայնի ժողովրդեանդ , որպէս եւ
 խօսեցան ընդ քեզ . զի ոչ եթէ զքեզ անարգե-
 ցին , այլ զիս մերժեցին չթագաւորել ի վերայ
 նոցա : Ըստ ամենայն գործոց զոր արարին
 ընդ իս յօրէ յօրմէ հանի զնոսա յեղիպտոսէ
 մինչեւ ցայսօր , եւ թողին զիս եւ ծառայեցին
 աստուածոց օտարաց , նոյնպէս առնեն նոքա և
 ընդ քեզ : եւ արդ լուր ձայնի նոցա . բայց դնելով
 դնիցես վկայութիւն նոցա , և պատմեսցես նոցա
 զիրաւունս թագաւորի՝ որ թագաւորեսցէ նոցա :
 եւ խօսեցաւ Սամուէլ զամենայն պատգամս Տեառն
 առ ժողովուրդն որ խնդրեցին ի նմանէ թագա-
 ւոր , եւ ասէ . Այս ինչ լիցին իրաւունք թագա-
 ւորին , որ թագաւորեսցէ ի վերայ ձեր . զուս-
 տերս ձեր առցէ և արասցէ կառավարս և հեծեա-
 ւըս , և սուրհանդակս առաջի կառաց իւրոց . և
 կացուցէ զնոսա իւր հազարապետս և հարիւրա-
 պետս , և հնձել զհունձս նորա և կթել զկութս
 նորա և առնել նմա զէնս և անօթս կառաց : եւ ըզ-
 դատերս ձեր առցէ յիւղագործս և ի խորտկարարս
 և ի հացեփեացս : եւ զանդս ձեր և զայգիս ձեր
 և զձիթեանիս ձեր զազնիւս՝ առցէ , և տացէ ըն-
 տրկաց իւրոց : եւ զսերմանս ձեր և զայգիս ձեր
 տասանորդեսցէ , և տացէ ներքինեաց իւրոց և ըս-

տրկաց իւրոց: Եւ զծառայս ձեր և զաղախնայս
 ձեր և զանդեայս ձեր զազնիւս և զէշս ձեր առցէ
 և տասանորդեսցէ ի գործ իւր: Եւ զհօտս ձեր տա-
 սանորդեսցէ, և դուք եղիլիք նմա ծառայք: և
 աղաղակեսլիք յաւուր յայնմիկ յերեսաց թագա-
 ւորին ձերոյ գոր ընտրեցէք ձեզ, և ոչ լուիցէ
 ձեզ Տէր յաւուրսն յայնոսիկ. զի դուք ձեզէն
 ընտրեցէք ձեզ թագաւոր: Եւ ոչ կամեցաւ ժո-
 ղովուրդն լսել Սամուէլի. և ասէն ցնա. Ո՛չ այդ-
 պէս է, այլ թագաւորեսցէ ի վերայ մեր, և ե-
 ղիցուք և մեք իբրև զայլ ազգս, և դատեսցէ
 զմեզ թագաւորն մեր և ելցէ առաջի մեր և պա-
 տերազմեսցի զպատերազմ մեր: Եւ լուաւ Սա-
 մուէլ զամենայն բանս ժողովրդեանն և խօսեցաւ
 զնոսա յականջս Տեառն: Եւ ասէ Տէր ցՍամուէլ.
 Լուր ձայնի նոցա և թագաւորեցո՛ւ նոցա թագաւոր:

Ընթերցուածս յԱռակաց (Ը. 12-21)

Ես՝ իմաստութիւն բնակեցայ ի խորագիտու-
 թեան. զխորհուրդս և զգիտութիւն կոչեցի յիս:
 Երկիւղ Տեառն ատեայ զանիրաւութիւն, զթըշ-
 նամանս և զհսլարտութիւն, և զճանապարհս
 չարեաց: Իմ է խորհուրդ և զգուշութիւն. իմ
 է հանձար և զօրութիւն: Ինեւ թագաւորք թա-
 գաւորեն և հզօրք զրեն զարդարութիւն: Ինեւ

մեծամեծք մեծանան և բռունք ինև ունին գերկիր: Ես՝ որ զիսն սիրեն՝ սիրեմ, և որ զիսն խնդրեն՝ գտցեն շնորհս: Մեծութիւն և փառք իմ են, և ստացուածք բազմաց և արդարութիւն: Լաւ է զիս ստանալ քան զոսկի և զաւանս պատուականս և զարդիւնս իմ քան զարծաթ ընտիր: Ի ճանապարհս արդարութեան գնամ, և ի մէջ շաւղաց արդարութեան շրջիմ: Զի բաշխեցից սիրելեաց իմոց զմեծութիւն, և զգանձս նոցա լցուցից բարութեամբ:

Ընթերցուածս յԵսայիայ մարգարէի (ԾԴ. 4-13)

Մի երկնչիցիս զի յամօթ արարին զքեզ, մի պատկառեսցես զի նախատեցին զքեզ, զի զամօթն յաւիտենից մոռացիս և նախատինք այրութեան քո ոչ եւս յուշ լիցին քեզ: Զի Տէր է որ առնէ քեզ զայդ. Տէր Սաբաւովթ անուն է նորա, և որ փրկեացն զքեզ նոյն Աստուած Իսրայէլի ամենայն երկրի կոչեսցի: Ոչ եթէ իբրեւ զկին մի լքեալ տարակուսեալ կոչեաց զքեզ Տէր, և ոչ իբրեւ զկին մի ատեցեալ ի մանկութենէ. այլ ասաց Աստուած, Առժամանակ մի թողի զքեզ, եւ ողորմութեամբ մեծաւ ողորմեցայց քեզ: Առ փոքր մի սրտմտութեան դարձուցի զերեսս իմ ի քէն, և ողորմութեամբ յաւիտենից ողորմեցայց քեզ, ասաց որ փրկեացն ըզ-

քեզ Տէր: Եւ ի ջուրցն հեղեղէ առ Նոյիւ՝
 ա՛յս է ինձ, որպէս երգուայն նմա ի ժամա-
 նակին յայնմիկ չբարկանալ երկրի, նոյնպէս
 և ո՛չ քեզ, և ոչ սպառնալեօք իմովք շար-
 ժել զլերինս, և փոփոխել զբլուրս, ո՛չ ողորմու-
 թիւն իմ պակասեացէ ի քէն, և ո՛չ ուխտ խա-
 ղաղութեան քո անցցէ, ասաց Տէր: Հաշտեալ
 եմ ընդ քեզ, տառապեալդ և խախտեալ, մինչև
 մխիթարեսցիս. ահաւասիկ պատրաստեալ եմ
 կարկեհան զքարինս քո, և զհիմունս քո շափի-
 ղայ: Եւ կանգնեցից զաշտարակս քո յասպիս, և
 զդրունս քո յականց վանեայց և ածից շուրջ զքե
 պարիսպ յընտիր ընտիր ականց պատուականաց,
 և զամենայն որդիս քո խրատեալս յԱստուծոյ, և
 ի բազում խաղաղութեան մանկունք քո, և ար-
 դարութեամբ շինեսլիր:

ՊԵՏՐՈՍԻ առաքելոյն ի Կաթողիկեայց առաջին
 քրթոյն է ընթերցուածս (Բ. 9-10)

Այլ դուք ազգ էք ընտիր, թագաւորու-
 թիւն, քահանայութիւն, ազգ սուրբ, ժողովուրդ
 սեպհական, որպէսզի զձեր առաքինութիւնսն նը-
 ւիրիցէք այնմ որ զձեզ ի խաւարէն կոչեաց յիւր
 սքանչելի լոյսն: Որք երբեմն չժողովուրդ, բայց
 արդ ժողովուրդ Աստուծոյ, որք չողորմեալք,
 այժմ ողորմութիւն գտէք:

ՍԱՂՄՈՍ

ԴՊ. Յնծացէք առ Աստուած օգնական է մեր,
աղաղակեցէք առ Աստուած Յակոբայ:

Առէք սաղմոս և տուք օրհնութիւն, սաղմոս
ասացէք նմա ի ձայն քաղցրութեան:

Փող հարէք ի գլուխս ամսոց, յաւուր նշանա-
ւորի տարեկանաց մերոց:

Հրաման է այս իսրայէլի, և իրաւունք են
Աստուծոյ Յակոբայ:

Վկայութիւնն Յովսէփու զոր եղ ընդ նմա, որ-
պէս ելանէր նա յերկրէն Եգիպտացւոց, լեզու զոր
ոչ գիտէր, լուաւ:

Ի բաց արարի ի բեռանց զթիկունս նորա և զձեռս
նորա յորթ և ի թի ծառայելոյ:

Ի նեղութեան կարգացեր առ իս և փրկեցի
զքեզ, լուայ քեզ ի գաղտնութենէ մրկին, և փոր-
ձեցի զքեզ ի վերայ ջուրցն Հակառակութեան:

ՍՐԿ. Ալէլուիա Օրթի. եւն.

Եւ մի ոմն ի ֆահանայից ընթերցցի յԱւետարանն
Յովհաննու (ԺԵ. 9-12)

Որպէս սիրեաց զիս Հայր և ես սիրե-
ցի զձեզ, հաստատուն կացէք ի սէր իմ: Եթէ
պահեցէք զպատուիրանս իմ, կացջիք ի սէր իմ:
որպէս ես զպատուիրանս Հօր իմոյ պահեցի, և
կամ ի սէր նորա: Զայս խօսեցայ ընդ ձեզ, զի
ուրախութիւն իմ ի ձեզ իցէ և ձեր ուրախու-
թիւն լցեալ եղիցի: Այս է պատուէր իմ զի սի-

ընտելիք զմիմեանս, որպէս և ես սիրեցի զձեզ : Մեծ ևս քան զայս սէր ոչ ոք ունի, եթէ զանձն իւր դիցէ ի վերայ բարեկամաց իւրոց : Դուք բարեկամք էք իմ, եթէ առնիցէք զոր եսն պատուիրեմ ձեզ : Ոչ ևս կոչեմ զձեզ ծառայս, զի ծառայն ոչ զիտէ զինչ գործէ տէրն նորա . այլ զձեզ կոչեցի բարեկամս, զի զամենայն գործուայ ի Հօրէ իմմէ՝ ծանուցի ձեզ : Ոչ եթէ դուք ընտրեցէք զիս, այլ ես ընտրեցի զձեզ, եւ եդի զձեզ զի դուք երթայցէք և պտղաբերք լինիցիք, և պտուղն ձեր կացցէ, և զոր ինչ խնդրիցէք ի Հօրէ իմմէ՝ յանուն իմ՝ տացէ ձեզ : Զայս պատուիրեմ ձեզ զի սիրեսլիք զմիմեանս :

ՀՆԴՊ. Փառք քեզ, Հայր Ամենակալ, որ պարգեւեցեր մեզ զօրս զայս տեսանել բարեաւ և խաղաղութեամբ .

ԴՊ. Օրհնեալ է Աստուած :

ՀՆԴՊ. Գոհութիւն զՔէն Միածին Որդի, որ զՍղգ մեր և զեկեղեցի ի մահահանգոյն տառապանացն ազատեալ, հաղորդակիցս արարեր փառաց յարութեան քո :

ԴՊ. Օրհնեալ է Աստուած .

ՀՆԴՊ. Բարեբանութիւն Քեզ, Հոգիդ Սուրբ Աստուած, որ վերստին ծաղկեցուցիք յՍղգի մերում զգաւազան իշխանութեան հարցն մերոց :

ԴՊ. Օրհնեա՛լ է Աստուած :

ՀՆԴՊ. Մարգասէր Աստուած , զխաղաղու-
թիւնն՝ զոր շնորհեցիր մեզ փրկեա ի փորձութե-
նէ , զազատութիւնն՝ զոր պարգեւեցիր մեզ պահ-
եա ի չարեաց , և զամենայն զկեանս մեր ի գոր-
ծըս բարիս առաջնորդեա .

ԴՊ. Ամէն .

ՀՆԴՊ. Ողորմեա՛ հարց և եղբարց մերոց ,
մարց և քերց մերոց և մանկանց որբացելոց որք
ի գերութեան են և ի չար ծառայութեան .

ԴՊ. Ազատեա , Տէր և ողորմեա .

ՀՆԴՊ. Տէր Աստուած մեր , յիշեա ողոր-
մութեամբ քով զհոգիս բազմերամ նահատակաց
մերոց , որք եղին զանձինս իւրեանց ի սեղան
փրկութեան Ազգին և հաւատոցս և լուսեղէն և
երկնային անթառամ պսակացն զնոսա արժանիս
արա՛ .

ԴՊ. Յիշեա՛ Տէր , և ողորմեա՛ .

ՀՆԴՊ. Ողորմեա՛ երախտաւորաց և պտղա-
տուից , և ամենայն վաստակաւորաց և սպասա-
ւորաց յազատութիւն Ազգի և ի շինութիւն Հայ-
րենեաց մերոց .

ԴՊ. Տէր ողորմեա .

ՀՆԴՊ. Տէր Աստուած մեր , օգնեա թաղա-
ւորացն քրիստոնէից և իշխանացն բարեպաշտից և

նախարարաց և նախագահին Ազգիս Հայոց և ամենայն զօրավարաց և զօրաց և զինուորեալ մանկանց, պահելով ի խաղաղութեան:

ԴՊ. Ամէն.

ՀՆԴՊ. Տէր Աստուած մեր, պահեա զՀայրապետն Ազգիս, զԿաթողիկոսն ամենայն Հայոց և զհամօրէն ուխտ Եկեղեցւոյ քո սրբոյ ի խաղաղութեան:

ԴՊ. Ամէն.

ՀՆԴՊ. Նշանաւ սուրբ և պատուական խաչիւ քով, հալածեա գերեւելի և զաներեւոյթ թշնամին ի սահմանաց հայրենեաց մերոց և ի բնակութենէս մերմէ և փրկեա՛ զմեզ ի հրոյն յաւիտենից և քեզ փառք ի յաւիտեանս, Ամէն.

ԴՊ. Ամէն.

ՅԱՐԱԿԱՆ Ա.Կ.

ԴՊ. Նրեանաւ ամենայաղ խաչիւրդ քո Քրիստոս պահպանեա զմեզ մարդասէր յաներեւոյթ քնամույն. զի դու միայն եւ բազաւոր փառաց օրհնեալ յաւիտեան: Որ ի վերայ սորա տարածեցեր զանառաք բազուկքս քո. եւ հեղեր զարիւնդ ի փրկութիւն իմեզեաց. զի դու:

Փառք հօր. Այժմ և միշտ:

Ի միւսանգամ քո գալըսեանքն յերեւիլ սուրբ նշանիս արժանի արա ըզմառայս քո վերքսին նորոգման. զի դու:

Սրկ. Խնդրեսցուք հաւատով միաբանութեամբ ի Տեառնէ, զի զողորմութեան զշնորհս իւր արասցէ ի վերայ մեր, Տէրն ամենակալ կեցուցէ և ողորմեսցի:

ՀՆԴՊ. Տէր ողորմեա, Տէր ողորմեա...

Եւ ապա Հանդիսապետն ընթերցցի զաղօթս զայս

Տէր Աստուած փառաւորեալ յամենայնի, զքեզ բարեբանեմք յամենայն ժամ, զի դու ես սրբութիւն մեր և պսակ հաւատացելոց. ահաւոր և սքանչելի է անուն քո:

Քո է մեծութիւն և զօրութիւն և պարծանք և յաղթութիւն և կարողութիւն. վասն զի դու ամենեցուն՝ որք են յերկինս և ի վերայ երկրի, տիրես. յերեսաց քոց դողան ամենայն թագաւորք և ազգք. ի քէն է մեծութիւն և փառք. դո՛ւ ես ամենեցուն իշխան՝ Տէր, և իշխան ամենայն իշխանութեանց, ի ձեռին քում է զօրութիւն և հարստութիւն, և ի ձեռին քում ամենակալ մեծութիւն զօրացուցանել զամենայն:

Եւ արդ, Տէր, մեք ամենեքեան ծառայք քո և որդիք ծառայիցն քոց որք ի սկզբանէ հաճոյ եղեն քեզ, ժողովեալքս աստէն յաւուր ցընծութեան և յիշատակի ազատութեան Ազգիս Հայոց և հաստատութեան Աթոռոյ Իշխանութեան Հայաստանեայց, երկրպագեմք առաջի կամաց քոց, գոհանամք զքէն և օրհնեմք զանուն պարծանացդ, զի ոչ մոռացար զմեզ ի սպառ, այլ

զթանցեալ ի մեզ՝ ի շնորհ բաղմապատիկ նահա-
տակութեանցն որք գործեցան յաշխարհի մերում
ի ձեռս արանց պատուականից՝ այց արարեր
մեզ և փրկեցեր զմեզ ի ձեռաց թշնամեաց մերոց :

Խաղաղութիւն ամենեցուն ,
Ասուծոյ երկիրպագեսցուք :

Լո՛ւր ձայնի աղաչանաց ծառայիցս քոց , և
զվերականգնեալս ի մեզ շնորհիւ ողորմութեան
քո զԱթոռ իշխանութեան Հայաստանեայցս ան-
սասան պահեա : Եւ որոց կլուխ են կարգեալ
իշխանութեանդ այդմիկ՝ ամենեցուն յաւել ըզ-
շնորհս իմաստութեան , զի կարող լինիցին ուղ-
ղութեամբ արդարութեան առաջնորդել ժողո-
վըրդեան քում , զի որք պատուենն զիմաստու-
թիւն , նոքա միայն թագաւորեսցեն յաւիտեան :
Եւ զօրավարաց մերոց և զօրաց եւս առաւել
պարգեւեա հոգի արութեան : Տնկեա՛ ի մեզ յա-
մենեսին զսէր սրբութեան և զգօնութեան , ձա-
նաչել զիմաստութիւն և զխրատ և առնել զպար-
տքս մեր ի պահպանութիւն ամենայն օրինաց ,
որք հային յօգտակարութիւն յազգի մերոյ : Աղ-
բեքացո՛ ի սիրտս ամենեցուն զզոլթ մարդասիրու-
թեան , զի կարող լինիցիմք գործովք բարեաց
կատարումն առնել սիրոյ հայրենեաց : Կարկա-
ռեա՛ զամենառատ աջ ողորմութեան քո և օրհ-

նեա՛ զհամօրէն ժողովուրդ մեր, զազգս Հայոց
և զեկեղեցիս Հայաստանեայց. զի հանգիցէ ի նո-
սա և կացցէ մնասցէ յաւիտեանս ժամանակաց
հոգի սիրոյ և խաղաղութեան՝ գիտութեան և
Աստուածաշտութեան:

Օրհնեա՛, Տէր, և զաշխարհ մեր և զերկիր
հայրենի, զի յորում զառաջինն հաստատեցիր
գտեղի դրախտին երանութեան, և զոր ապա
զդարս բազումս ձեռք անօրինացն արարին վայրս
աւերակաց, քառահոլով վտակացն պարարտու-
թեամբ վերստին ծաղկազարդեալ պայծառասցի
ի վայելումն ամենայն բարութեանց երկնաւո-
րաց և երկրաւորաց. սրբեա զեկեղեցիս մեր և
զվանորայս որ ի նմին, զդպրատունս մեր և ըզ-
յարկս զթութեան, և զամենայն սահմանս նորա
պարսպեա պահպանութեամբ քով ընդդէմ յար-
ձակմանց թշնամւոյն: Օրհնեա՛ Տէր, զամենայն
բան բարի որ ի նմին, և զկոչումն իւր գլխովին,
զանունդ Հայաստան:

Հայաստանդ անուն ցանկալի, ձայն գորո-
վական և փարեղի, երկնաւոր երգոցն նուագաց-
արժանի, յորում ամենայն յուշքն անցելոյն և
յոյսք ապառնեացն պահին, զոր ոչ կարացին
հանել քերել ի շրթանց մերոց մանաւանդ թէ և
ի սրտից բռունցք աշխարհիս և դիպուածք ժա-
մանակաց, հնչեսցէ՛ այժմ ծագաց ի ծագս երկ-

ըի, և որք ի հեռաստանեայ սահմանս աշխարհի սփռեալ կան նժգեհոլթեամբ, ամենայն հայկազունք ի լուր նորա՝ որպէս ամպս թռուցեալս ձագախառն երամովին եկեսցեն առ նա, զի փրկութիւն Տեառն եհաս մեզ.

Եւ դու, Մայրս մեր սուրբ եկեղեցիդ Հայաստանեայց, դուստր նորոյս Սիոնի, որ զայնքանի դարս ի գիրկս քո բարձեր զմեզ, որպէս զորբացեալ մանկունս, և կաթամբ սրբոյ աւետարանին ջամբեցեր մեզ զյոյս փրկութեան մերոյ, որ զամենայն աւանդս յիշատակաց, և ընշանակս փառաց հարցն մերոց և զիղձ մեր համօրէն ի ծոցի քում պահեցեր անարատս, ցնծա՛ և ուրախ լեր.

Եւ դուք ժողովուրդ Հայոց, որդիք Հայկայ և որդեգրեալք եկեղեցւոյս Հայաստանեայց, առէք զսպառազինութիւն հաւատոյդ դիք ի զլուխս ձեր զսաղաւարտ յուսոյն, արի՛ք ընդ առաջ, և երգեսցուք ամենեքեան. փառք ի բարձունս Աստուծոյ և յերկիր խաղաղութիւն ի մարդիկ հաճութիւն:


ԴՊ. Եւ օրհնութիւն քեզ ի բարձունս, օրհնեալ ես Տէր Աստուած մեր. օրհնեմք զքեզ եւ գովեմք զքեզ: Խոսովանիմք Տէր զքեզ եւ երկիր պաշտանեմք քեզ. փառաւորեմք զքեզ. զոհանամք Տէր զքեզ վասն մեծի փառաց քոց: Տէր քաղաւոր սուրբդ

Երկնային. Աստուած եւ Հայր՝ ամենակալ: Տէր եւ Որդի
Հօր միածին Յիսուս Քրիստոս եւ սուրբ Որդի: Տէր
Աստուած Գառն Աստուծոյ եւ Որդի Հօր, որ առեր ըզ-
մես ի կուսէն: Ողորմեցար, բարձր գմեղս աշխար-
հի. եւ արդ ընկալ զաղաչանս մեր: Սուրբդ որ նսխ
ընդ աջմէ Հօր՝ ողորմեաց մեզ: Զի դու միայն սուրբ,
դու միայն բարձրեալ ես, դու միայն Տէր մեր Յիսուս
Քրիստոս: Տէր եւ Հոգիդ սուրբ՝ որ ի փառս Աստուած
ընդ Հօր. ամեն:

Եւ յամենայն ժամ օրհնեմք զեզ: Տէր, եւ գովեմք
զանուն սուրբ քո յաւիտեան եւ յաւիտեանս յաւիտենից:
Արժանի արա Տէր զօրս զայս խաղաղութեամբ, եւ ա-
ռանց մեղաց պահեա զմեզ: Օրհնեալ ես Տէր Աստուած
հարցն մերոց. գովեալ եւ փառաւորեալ է անուն սուրբ
քո յաւիտեանս ամեն: Օրհնեալ Տէր՝ ուսո՛ր ինձ զարդա-
րութիւնս քո. (Երեւ- իշէ-ւ-): Տէր ապաւեն եղեր մեր
ազգի յազգ: Ես աղաչեմ Տէր ողորմեա՛ ինձ եւ բժր-
կեա՛ զանձն իմ, եւ մեղայ քեզ: Յոյց մեզ Տէր զողոր-
մութիւնս քո. եւ զփրկութիւնս քո տուր մեզ: Տէր ողոր-
մութիւն քո յաւիտեան. զգործս ձեռաց քոց մի՛ անես
առնէր: Տէր իմ զեզ ապաւեն ինձ արարի. ուսո՛ր ինձ
առնել զկամս քո, զի դու ես Աստուած իմ: Ի քեզ է
Տէր՝ աղբիւր կենդանութեան. եւ լուսով երեսաց քոց
սեսանեմ ըզլոյս: Ծագեա՛ զողորմութիւնս քո՝ որք նա-
նայեն զեզ Տէր:

ՍՐԿ. Սուրբ խաչիւս.

ՀՆԴՊ. Պահպանիչ և Հայր մեր:



A 2524

ԳԱԱ Հիմնարար Գիտ. Գրադ.



FL0044198

[204]

